



МЕСЯЦА СЕНТЯБРЯ В 25-й ДЕНЬ

Преподобнаго отца нашего Сѣргия,
игумена Радонежскаго и всея Россіи чудотворца

НА МАЛЕЙ ВЕЧЕРНИ

На Господи, воззвах: стихиры на 4, глас 5.

Подобен: Преподобне отче:

Преподобне отче, / дѹшу твою с тѣлом очѣстив, /
Святаго Дѹха прекрасная обитель явился
еси, / Иже славна ты концѣм, преблаженне
Сѣргие, содея, / в чудесѣх же великаго свѣтѣль-
ника, / просветившаго во мрацѣ сущія, / и наставника
монахов, // сошедшеся, велемѹдренно ублажаем.

Явился еси, богоблаженне, / мѹдрая пленица, / связѹя
многая врагов ополченія; / тѣмже и венцѣм увязлся еси
от Бога неувядающим, / и весѣлие, и радость, / и славу
вѣчную восприял еси, премѹдре Сѣргие. / Того моли,
Тому помолѣся, преподобне, / даровати мир мѣру //
и душам нашим велию милость.

Преподобне отче, / телесныя страсти зѣльным воздер-
жаніем / и чѣстыми молитвами, / потом же воздержан-
ня угасил еси ѹглие страстей; / того ради чудесы
славна ты / Россійским странам, славне Сѣргие, показá, /
украсив Небесными дарми, Христос. / Того моли, Тому
помолѣся, преподобне, / даровати мир мѣру // и душам
нашим велию милость.

Слава, глас 6:

Приидите, монашествующих множество, днесь, /
Сѣргия, благочестія подражателя, / пѣсньми и пѣнь-
ми восхвалим / и честнѹю его и многоцѣлебнѹю раку,
обстояще, / любѣзно облобызаем, глаголюще: / радуйся,

преслávне Сѣргие,/ Отѣчеству твоёму пресвѣтлый свѣ-
тѣльниче;/ радуйся, яко чѣсте чистѣйшему Свѣту
совокупѣвся;/ радуйся, яко Трѣнице предстоѣши со
А́нгелы,/ Ю́же непреста́нно моли́// дарова́ти душáм
на́шим вѣлию мѣлость.

**И ны́не, Богородичен, глас то́йже: Богородице, Ты
еси́ лозá:**

На стиховне стихѣры, глас 6.

Подобен: А́нгельския:

От ма́терних пелѣн, му́дре,/ Бо́гу возложен, Сѣргие
преподобне,/ и пустыню́ яко град соде́лав,/ в ней мно́же-
ства мона́хов собра́л еси́/ сла́вити многопѣтую Трѣицу,//
Ю́же моли́ спастѣ́ся душáм на́шим.

Стих: Честна́ пред Го́сподем// смерть преподобныхъ Егó.

Богому́дре Сѣргие,/ а́ще бо и послѣжди лѣты ты ново-
просвещѣнная Россѣйская страна́ возрасти́,/ но дрѣвних
чѣсти сподобился еси́,/ и дарова́ния чудесъ досто́йно
приѣм;/ мона́хов мно́жество песносло́вят/ и право-
вѣрною вѣрою Христа́ хва́лят,/ твоими́ покая́ющесе
учѣньми,// моли́ спастѣ́ся душáм на́шим.

**Стих: Блаженъ муж; боя́йся Го́спода,// в за́поведехъ
Егó восхо́щет зело́:**

Яко в высо́кихъ черто́зах,/ добродѣтели предугото́вал
еси́ дом себѣ,/ Сѣргие, отче наш,/ и яко войсти́ну божѣ-
ственную Свѣтлость/ зрѣти сподобился еси́,/ в ню́же
всели́вся, зриши Святу́ю Трѣицу,/ Ейже моли́ся// даро-
ва́ти ми́ру вѣлию мѣлость.

Сла́ва, глас 8:

Преподобне отче,/ ми́ра красоту́ и сла́дость вре́мен-
ную/ отню́д возненави́дел еси́,/ мона́шеское жити́е па́че
возлюбѣвъ,/ и А́нгелом собесѣдникъ бы́ти сподобился
еси́,/ и свѣтѣльникъ многосвѣтлый Россѣйския земли́,/
чудесми́, якоже второ́е со́лнце, сияя./ Но всехъ насъ поми-
на́й,/ соверша́ющихъ священну́ю па́мьять твою́:/ мы
бо ча́да твоя́/ и овцы́ словесныхъ твои́хъ учѣний/ и ты на
по́мощь призывáем,// прося́ще тобо́ю при́яти мир и
вѣлию мѣлость.

И ны́не, Богородичен, глас то́йже: Влады́чице, прими́:

Тропа́рь пи́сан на вели́цей вече́рни.

НА ВЕЛИЦЕЙ ВЕЧЕРНИ

Блажен муж: 1-й антифон.

На Господи, воззвах: стихиры на 8, глас 6.

Подобен: Все отложше:

Мира мятеж, преподобне, оставив / и взем крест твой, / последовал еси Христу / невозвратным помыслом, / и в пустыню вселился еси, преподобне, / душевныя страсти из корене исторгая / и телесная чувства огорчевая, / и частыми бденими и молитвами / благодать восприял еси, преподобне, / целити различныя недуги, / Ангелов собеседниче и преподобных сожителю, / молися Господу, Сергие преподобне, // помиловатися душам нашим.

Преподобне отче, / кто исповесть труды твои и болезни? / Или кий язык изречет жестокое твоё житие, / бдение же, и сухоядение, / и еже на земли легание, / чистоту душевную и телесную, / устнами и умом совершенное безмолвие, / смирение же нелицемерное, / молитвы непрестанныя и рассуждение доблоразсудное, / худость ризную и память смертную? / Сергие, отче наш, // моли спастися душам нашим.

Преподобне отче Сергие, / ты врач душ и телес явился еси, / источая недужным исцеления струи, / даром же пророчества украшен, / прорицая, яко настоящая, будущая: / молитвою бо князя вооружив варвары победити, / хвалящаяся отечество его разорити, / но самех богопораженною язвою / трупия достойно падоша // псаломски при аде, преподобне.

Богомудре Сергие, / славу маловременную оставль, / и в пустынях и горах / ты живый явился еси, / и Троицы чистый дом, / блаженне, был еси, / Еяже силою пресвятыя храмы воздвиг, / и ограды монашествующим во спасение создал еси, / живяше же в тебе Христос Бог наш, / Егоже от юности возжелел еси. / Того моли, Сергие преподобне, // спастися душам нашим.

Ины стихиры преподобнаго, глас 2.

Подобен: Терпяще мучения:

Терпя нынешняя мужественно, / веселяся будущими, / ко всем глагола еси, преподобне Сергие: / егда убо туне подвигаемся, / но вечнаго живота чающе получитьи? / Люты скорби, но сладок рай, / болезненны труды, но присносущно восприятие. / Не обленимся

убо, о по́стницы! Ма́ло стерпи́м, / да венцы́ нетле́нными
ува́земся // от Христа́, Бо́га и Спа́са душ на́ших.

Зря, я́ко наслажде́ние, ско́рби, / ше́ствуя те́сным
путе́м, / ко ученико́м твои́м глаго́лал еси́, преблаже́нне
Се́ргие: / не устращи́мся по́двига по́стнаго, / да стра́ш-
наго ге́енскаго муче́ния избе́гнем, / согбе́нне бу́дут ру́це, /
да протира́ются же к Бо́гу, / но́зе же утвержде́ны / на
моли́тве предсто́яти, / не пощади́м естества́ тле́ннаго,
изво́лим по́двиг, / да венцы́ победными́ ува́земся // от
Христа́, Бо́га и Спа́са душ на́ших.

Отве́рг тле́нная ри́зы, / ходи́л еси́ в зиме́ без те́пल्या
оде́жды, я́коже в ле́те, / глаго́ля, терпели́ве Се́ргие: / за
рай, егóже погуби́хом, / ри́зы мя́гкия ны́не отлага́ем, /
грехо́м иногда́ преступле́ния оде́яхомся, / совлеце́мся
ны́не ра́ди нетле́нных риз, / небреже́м, бра́тие, о зиме́
преходя́щей, плоть изнури́м, / да венцы́ победными́
ува́земся // от Христа́, Бо́га и Спа́са душ на́ших.

Сла́ва, глас 6:

Е́же по образу́ соблю́д невредимо́, / ум влады́ку над
страстьми́ па́губными́ по́стнически поста́вив, / во е́же
по подо́бию, я́ко мо́щно, возше́л еси́: / му́жески бо
естество́ пону́див, / потща́лся еси́ ху́ждшее покорити́
лу́чшему / и плоть порабо́тити ду́ху; / те́мже мона́шест-
вуюющих яви́лся еси́ верх, / жи́тель пусты́нный, благоте-
ку́щих обуча́тель, / пра́вило добродете́ли изве́стнейшее; /
и ны́не на Небесе́х, зерца́лом разреше́вшимся, / о́тче наш
Се́ргие, / чи́сте зри́ши Святу́ю Тро́ицу, / моля́ся несре́д-
ственне // о́ иже ве́рою и любо́вию чту́щих тя.

И ны́не, Богородичен, глас то́йже: Кто Тебе́ не ублажи́т:

Вход. Прокі́мен дне. И чтéния.

Притчей чтéние (главы́ 3 и 8):

Па́мять пра́веднаго с похвала́ми, и благослове́ние
Госпо́дне на главе́ егó. / Блаже́н человек, и́же обре́те
Прему́дрость, и сме́ртен, и́же уве́де ра́зум. / Лу́чше бо
Сию́ купова́ти, неже́ли зла́та и серебра́ сокрови́ща. / Чест-
нейшая же е́сть ка́мений многоце́нных, все же честное́
недостойно́ Ея́ е́сть. / Долготá бо дней и ле́та живота́
в десни́це Ея́, в шу́йце же Ея́ богатство́ и сла́ва. / От уст
Ея́ исхо́дит пра́вда, зако́н же и ми́лость на язы́це но́сит. /

Послушайте́ убо Мене́, о ча́да, честна́я бо реку́: и блаже́н челове́к, и́же пути́ Мойя́ сохрани́т; / исходи́ бо Мой, исходи́ живота́, и уготовля́ется хоте́ние от Го́спода. / Сего́ ра́ди молю́ вас и предлага́ю Мой глас сыновом челове́ческим: / я́ко Аз премудро́сть устроих, сове́т и ра́зум, и смысл Аз призва́х. / Мой сове́т и утвержде́ние, Мой ра́зум, Моя́ же кре́пость. / Аз мене́ любя́щия люблю́, и́щущии же Мене́ обря́щут благода́ть. / Разу́мейте у́бо, незло́бивии, кова́рство, ненака́зании же, прилага́йте серде́ц. / Послушайте́ Мене́ и па́ки, честна́я бо реку́: и отве́рзу от усте́н пра́вая, / я́ко и́стине поучи́тся горта́нь Мойя́, ме́рзски же предо́ Мною́ устны́ лжи́выя. / С пра́вдою вси глаго́лы уст Мойих: ничто́же в них стрóпотно, ниже́ развра́щенно. / Вся пра́ва суть разумева́ющим и про́ста обрета́ющим ра́зум. / Науча́ю бо вас и́стине, да бу́дет о Го́споде наде́жда ва́ша и испо́лнитеся Ду́ха.

Притчей чтéние (главы́ 10 и 11):

Уста́ пра́веднаго ка́плют премудро́сть, язы́к же непра́веднаго поги́бнет. / Устне́ муже́й пра́ведных ка́плют благода́ти, уста́ же нечестивых развра́щаются. / Ме́рила льсти́вая ме́рзость пред Го́сподем, вес же пра́ведный приятен Ему́. / Иде́же а́ще вни́дет досажде́ние, та́мо и безче́стие: уста́ же смире́нных поуча́ются премудро́сти. / Совершенство́ пра́вых наста́вит их, и поползнове́ние отрица́ющихся упасе́т их. / Не по́льзуют имения́ в день я́рости, пра́вда же изба́вит от сме́рти. / Умер пра́ведный, оста́ви раская́ние, нару́чна же быва́ет и посмея́тельна нечестивых па́губа. / Пра́вда непоро́чнаго исправля́ет пути́, в нече́стие же па́дает непра́вда. / Пра́вда муже́й пра́вых изба́вит их: безсове́тием же пленя́ются беззаконни́и. / Сконча́вшуся му́жу пра́ведну, не поги́бнет наде́жда, похвала́ же нечестивых поги́бнет. / Пра́ведник от ло́ва убе́гнет, вме́сто же его́ преда́ется нечестивый. / Во усте́х нечестивых сеть гра́жданом, чу́вство же пра́ведных благоспе́шное. / Во благих пра́ведных испра́вится град, и в поги́бели нечестивых ра́дование. / Во благослове́нии пра́вых возвы́сится град, усты́ же нечестивых раскопа́ется. / Руга́ется гра́жданом лише́нный ра́зума, муж же му́дрый безмо́лвие во́дит.

Премудрости Соломоновы чтение (глава 3):

Праведных души в руке Божией, и не прикоснется их муча. / Непщевани быша во очесех безумных умерети, и вменися озлобление исход их. / И еже от нас шествие сокрушение, они же суть в мире. / Ибо пред лицом человеческим аще и мучу приимут, упование их безсмертия исполнено. / И в мале наказани бывше, великими благодетельствовани будут, / яко Бог искуси я и обрете их достойны Себе. / Яко злато в горниле искуси их и яко всеплодие жертвенное прият я. / И во время посещения их возсияют и, яко искры по стоблюю, потекут. / Судят языком и обладают людьми, и воцарится Господь в них во веки. / Надеющиеся Нань разумют истину, и вернии в любви пребудут Ему. / Яко благодать и милость в преподобных Его, и посещение во избранных Его.

На литии стихира храма.**И святаго стихиры, глас 6:**

Приидите, празднлюбцы / и постников сословие, / верою сошедшеся, / истиннаго постника почтим днесь, / Сергия, / с веселием шествовавшего по стопам Владыки своего / узкий путь и безстрастную жизнь, / и верою возопийм: / о всеблаженне, преподобных сожителю / и постников похвало! / О нас молися ко Господу, // помилувайтися душам нашим.

Преподобне и богоносе Сергие, / любве ради Христовы вся оставил еси / и, в пустыню вшед, / никакоже убоялся еси невидимых врагов коварствия, / аще бо и многажды приидоша на тя, / скрежетанием зубным ярость показующе, / ты же молитвами твоими, / яко дым, без вести сих сотворил еси. / О непорочныя твоея души / и крепкаго терпения твоего! / Христа непрестанно моли // спастися душам нашим.

Российская убо всеосвященная и великая Церковь / с православными соборы, монахи же и простыми, / евангельских источников струями напоившеся, / духовно веселимся / в нарочитом празднице добраго пастыря и учителя, / и целебныя его мочи, обстояще, любезно облобызаем, / и сих, яко цветы, песнями и хвалами увязем, рекуще: / радуйся, Сергие блаженне, / Небесный человеце, земный Ангеле / и Духа Святаго обитель;

ра́дуйся, я́ко мно́гих ко спасе́нному пу́ти наста́вил еси́;/ ра́дуйся, правосла́вному во́инству на́шему похва́ла и утвержде́ние,/ преподо́бне Серге́е богоприя́тне,/ Оте́честву тво́ему пресвѣ́тлый светі́льниче// и моли́твенниче о душа́х на́ших.

Сла́ва, глас 6: Прииді́те, мона́шествующих: (пи́сан на ма́лей вече́рни).

И ны́не, Богоро́дичен, глас то́йже: Творе́ц и Изба́витель:

На стихо́вне стихи́ры, глас 1.

Подобен: Небе́сных чино́в:

Наста́, богоно́се, со́лнца светле́йши твой пра́здник,/ озаря́я приходя́щая к тебе́ ве́рою,/ и безсме́ртие благоуха́ет,/ душа́м же источа́ет нетле́ние от свята́го твоего́ телесе́,/ Серге́е преподо́бне,// моли́твенниче о душа́х на́ших.

Стих: Честна́ пред Го́сподем// смерть преподо́бных Его́.

Чу́вственныя стра́сти телесны́я победи́л еси́/ воздержа́ния бродя́ми, чудодо́йственне Серге́е,/ и ре́вность к безплотным на земли́ показа́л еси́,/ все же плотское́ жела́ние дүху повину́л еси́./ Тем и ны́не, в Небе́сных дво́рех водворя́яся,// моли́ о душа́х на́ших.

Стих: Блаже́н муж, боя́йся Го́спода,// в за́поведех Его́ восхо́щет зело́.

Блаже́нне Серге́е, основа́ние положи́в добродете́ли,/ дре́вняго челове́ка совле́кся с похотьми́/ и во Христа́ облэ́кся еси́, Исти́ну./ Тем обли́чил еси́, преподо́бне, мно́гая врагов́ ополче́ния,/ наста́вник мона́хов быв,// моли́ спасти́ся душа́м на́шим.

Сла́ва, глас 8:

Мона́хов мно́жества/ наста́вника тя почита́ем, о́тче наш Серге́е,/ тво́ею бо стезе́ю войсти́ну пра́во ходи́ти позна́хом./ Блаже́н еси́, Христу́ рабо́тав,/ и вра́жию обли́чил еси́ си́лу,/ А́нгелов собесѣ́дниче и преподо́бных соприча́стниче и пра́ведных,/ с ни́миже моли́ся Го́сподеви,// помы́ловатися душа́м на́шим.

И ны́не, Богоро́дичен, глас то́йже: Безневѣ́стная Де́во:

Тропа́рь, глас 4:

И же добродете́лей подви́жник,/ я́ко и́стинный во́ин Христа́ Бо́га,/ на стра́сти вельми́ подви́зале́ся еси́ в жи́зни вре́менной,/ в пе́ниих, бде́ниих же и поще́ниих

образ быв твоим учеником, / темже и вселися в тя Пресвятый Дух, / Егоже действием светло украшен еси; / но, яко имея дерзновение ко Святей Троице, / поминай стадо, еже собрал еси, мудре, / и не забуди, якоже обещался еси, / посещая чад твоих, // Сергие, преподобне отче наш.

Ин тропарь, глас 8:

От юности восприял еси Христа в души твоей, преподобне, / и паче всего вожделел еси мирскаго мятежа уклонитися, / мужески в пустыню вселился еси / и чада послушания в ней, плоды смирения, возрастил еси. / Тем быв Троице вселение, / чудесы твоими всех просветил еси, приходящих к тебе верою, / и исцеления всем подавая обильно. // Отче наш Сергие, моли Христа Бога, да спасет души наша.

Ин тропарь, глас 8:

Вчистоте жития источник слез твоих, / исповедания трудовныя поты совокупил еси / и купель духовную источил еси, священней Сергие преподобне, / омывшаи творящим любовью память твою / скверны душевныя и телесныя. / Сих ради, чада твоя суще, вопием ти: // моли, отче, Святую Троицу о душах наших.

Слава, и ныне, Богородичен.

НА УТРЕНИ

Тропарь святаго дважды. Слава, и ныне, Богородичен.

По 1-м стихословии седален, глас 8.

Подобен: Премудрости:

Весь освящен и богоносен показался еси, / мира и богатства светлости / и вся елика видимых доброт маловременных преобидев, / смирением же и нищетой Владыце Христу последовал еси, / собрав монахов множества, и сих Православия учеными просветил еси. / Тем и по кончине нестареемую благодать приял еси / и, во гробе лежа, нетленен пребываеши, Сергие богоблаженне, / моли Христа Бога согрешений оставление даровати / чтущим любовью святую память твою.

Сла́ва, и ны́не, Богоро́дичен:

Я́ко Всенепоро́бная Невесто́ Творца́, / я́ко Неискусо́мужная Ма́ти Изба́вителя, / Прия́телище я́ко су́щи Уте́шителя, Всепе́тая, / беззако́ния мя су́ща скве́рно жили́ще / и де́монов игра́лище в ра́зуме б́ывша, / потщи́ся и сих злоде́йствия мя изба́вити, / све́тло жили́ще добродете́лями соде́лавши. / Светода́тельная и нетле́нная, / разже́ни о́блак страсте́й и Вы́шняго прича́стия сподо́би / и Све́та невече́рняго моли́твами Твоими́.

По 2-м стихосло́вию седа́лен, глас 3.

Подобен: Красоте́ де́вства:

Е́же к Бо́гу мудрова́ние горе́ имéя, о́тче, / и я́же на земли́ оста́вил еси́, / и, мно́гими боле́знями́ све́тло твоё жити́е изъясни́в, / вся́кия же божество́нныя добродете́ли оби́тель показав́ся, / в моли́твах и мо́льбах и поще́ниях Го́споду прибли́жился еси́. / Моли́ Христа́ Бо́га спастися́ ду́шам на́шим.

Сла́ва, и ны́не, Богоро́дичен:

Я́ко невозде́ланна, Де́во, лоза́, / прекра́сный Грозд, Христа́, возрасти́ла еси́, / исто́чающа́ нам вино́ спаси́тельное, всех весе́ляющее́ ду́ши и телеса́. / Те́мже, я́ко вино́вну Тя до́брых ублажа́юще, / при́сно со А́нгелом вопие́м Ти: / ра́дуйся, Обра́дованная.

По полиеле́и седа́лен, глас 8.

Подобен: Прему́дрости:

Егд́а, блаже́нне, божество́нному жела́нию ум твой впе́рив, / тогда́ оста́вил еси́ вся до́лу влеку́щая мудрова́ния, / и, в пусты́ню всели́вся, я́ко крин процвёл еси́ добродете́ли прекра́сный, / и, страсте́й искорени́в те́рние, в нем насади́л еси́ плоды́ трудо́в твои́х. / Те́мже и пожа́л еси́ рукоя́ти, неотъеме́мо бога́тство на Небесе́х. / Серге́е преподо́бне, моли́ Христа́ Бо́га / согреше́ний оставле́ние дарова́ти чту́щим любо́вию святу́ю па́мять твою́.

Сла́ва, и ны́не, Богоро́дичен:

О Тебе́ ра́дуется, Благода́тная, вся́кая тварь, / а́нгельский собо́р и челове́ческий род, / освяще́нный хра́ме и раю́ словеса́ный, / де́вственная похва́ло, из Нея́же Бог воплотися́ / и Младене́ц бысть, пре́жде век сый Бог

наш,/ ложесна́ бо Твоя́ престолъ сотвори/ и чрево Твое́
простра́ннее Небес содела./ О Тебѣ радуется, Благодат-
ная, всякая тварь,/ слава Тебѣ.

Степѣнна, 1-й антифонъ 4-го гласа. Прокимен, глас 4:
Честна́ предъ Господемъ// смерть преподобныхъ Его́.
Стих: Что воздамъ Господеву о всехъ, яже воздаде ми?
Всякое дыха́ние: Евангелие от Матфея, зачало 43.

По 50-м псалмѣ стихира, глас 6:

Иже на земли Ангела/ и на Небеси́ человека́ Божия,/
мира благо́е украше́ние,/ пи́щу благо́ихъ добродѣтель-
ныхъ,/ по́стниковъ похвалу́,/ Серге́я вели́каго почти́м:/
насажде́н бо в дому́ Господни/ и процвете́ правед-
но,/ я́ко кедръ в пусты́ни,/ умно́жив ста́до Христо́во
словесныхъ овецъ,// в преподобстве и правде.

Канонъ Богородицы со ирмосомъ на 6 и святаго на 8.

Канонъ Пресвятыя Богородицы, глас 6.

Песнь 1

Ирмос: Я́ко по су́ху пешешествовавъ Изра́иль/ по
бѣздне стопами,/ гонителя́ фараона/ видя́ потопля́ема,//
Бо́гу побѣдную́ песнь по́йм, вопия́ше.

Прича́щшися Е́ва са́да, преслу́шаннаго бра́шна,
кля́тву введе́;/ но сию́ разреши́ла еси́, Чи́стая,/ благо-
словѣния Начато́к, Христа́ ро́ждши.

Я́же бисера́ от Божѣственны́хъ мо́лнии, Христа́ ро́жд-
ши,/ страсте́й мо́ихъ мглу́ и прегрешѣ́ний смущѣ́ние,/
Чи́стая, разжени́ свѣтомъ Твое́й свѣтлости.

Язы́ковъ Жда́ние Иа́ковъ из Тебѣ́ воплоща́емаго/ пред-
зря́ше та́йно умными́ очесы́:/ Бо́га, изба́вльшаго нас
ходата́йствомъ Тво́имъ.

Оскуде́вшимъ нача́льникомъ от плѣ́мени Иу́дова,
Пречи́стая,/ Сынъ Твойъ и Богъ, прошѣ́д Вождь,/ над
концы́ земными́ ны́не воистину́ воцари́ся.

Канонъ преподобнаго Серге́я, егѣ́же краегранѣ́сие
сицевѣ́: Серге́я похвалити́, Бо́же мой, да́руй ми. Глас 8.

Песнь 1

Ирмос: Колесни́цего́нителя́ фарао́ня погрузи́/ чудо-
твори́й ино́гда/ Моисѣ́йский жезлъ, крестообра́зно

*порази́в/ и раздели́в мо́ре,/ Изра́иля же беглеца́, пеше-
ходца спасе́, // песнь Бо́гови воспева́ющая.*

Христа́, нас ра́ди во́лею смири́вшагося да́же до ра́биа
образа, подража́в,/ возлюбил еси́ смире́ние/ и, зельным
бде́нием и моли́твами душегубныя стра́сти умертви́в,/
на го́ру безстра́стия возше́л еси́, Серге́е пребога́те.

Яко свети́льник све́та,/ твою́ ду́шу слезными пото́ки
украша́я,/ и друго́го Иса́ака подобно сам себе́ вознесл
еси́, преподо́бне,/ и се́рдце твоё Бо́гу пожёрл еси́.

Иже во чре́ве ма́терни трикра́ты проглаше́нием/
Тро́ицы служи́тель показале́ся еси́/ и, Трисо́лнечным
све́том озаря́емь,/ де́монская ополче́ния, яко паучи́ну,
разори́л еси́, преблаже́нне Серге́е.

Богородичен: Зако́нов кроме естество́нных родила́
еси́ Законода́вца Бо́га и Челове́ка бывша,/ Того́, яко
Бла́га, моли́, Всенепоро́чная,/ на́ша беззакония пре-
зрети́, вопиющих всегда́:/ поим Го́споду, сла́вно бо
просла́вился.

Ин канон свята́го. Глас 1.

Песнь 1

Ирмос: *Твоя́ победительная десни́ца/ боголе́пно в кре́-
пости просла́вился,/ та бо, Безсме́ртне,/ яко всемогу́-
щая, проти́вныя сотре́, // Изра́ильтяном путь глубины́
новосодела́вшая.*

Любо́вию Христо́вою утверди́лся еси́, преподо́бне,/ и
яви́лся еси́, яко река́, обильно всю зе́млю напая́я
сло́вом уче́ния,/ богоблаже́нне Серге́е,/ те́мже па́мять
твою́ любо́вию ублажа́ем.

Твоею руко́ю бысть благослове́ние божество́нным
манове́нием:/ невла́жная бо земля́ твоёю моли́твою
во́ду источи́,/ ю́же ны́не почерпа́юще, исцеле́ние
приёмлем незави́стно,/ преподо́бне Серге́е.

Весь от ю́ности Бо́гу освяти́лся еси́,/ к Немú добро-
дети́elmi приближа́ясь,/ тле́нная бо, яже на земли́,
оста́вив,/ Небе́сное обре́л еси́ бога́тство.

Богородичен: Ра́дуйся, благода́ти исто́чнице;/ ра́дуйся,
лестви́це и двере́ Небе́сная;/ ра́дуйся, све́щнице, и
ста́мно злата́я, и горó несекóмая,/ Я́же Жизнода́вца
Христа́ ми́ру родила́ еси́.

Катавасия: *Отве́рзу уста́ моя́:*

Песнь 3

Ирмос: *Несть свят, / якоже Ты, Господи Бóже мой, / вознесый рог верных Твоих, Бла́же, / и утвердивый нас на камени // исповедания Твоего.*

Глennую мою плоть и смёртную, Всечистая Богомати, / из чрева Твоего несказанно приём Благий / и обезтлевнив сию, вечно Себе связал есть.

Бóга воплощаема из Тебе зряще, Дéво, / ужасахуся страхом лица ангельстии / и яко Матерь Бóжию немолчными пёсньми Тя почитают.

Ужасёся, гóру умную ви́дев Тя, проро́к Дани́ил, / из Неяже Камень отсечёся кроме рук / и дёмонская капища, Богомати, крепко сокруши.

Не мо́жет слóво Тя человéческое, / ниже́ язык, Дéво, похвалити досто́йно: / из Тебе́ бо без семене Жизнодавец Христо́с воплотитися, Пречистая, благоволи.

Ин

Ирмос: *Утверждей в начале Небеса́ разумом / и зёмлю на вода́х основа́вый, / на камени мя, Христé, заповедей Твоих утверди, / яко несть свят па́че Тебе́, // Еди́не Человеколю́бче.*

Благих образ тебе́ дав твоим учеником, / и привлéкл еси́ мно́ги ду́ши во спасéние, отлучившихся мирска́го пристра́стия, / иже утешéния уллучи́ша райска́го наслаждéния.

Яко добропло́дная ма́слина в дому́ Бóжию, блаже́нне, процвёл еси́, / и елеем умащáя ду́ши любóвию ты пою́щих, преблаже́нне Сёргие, / и véрою Христу́ вопию́щих: / несть свят па́че Тебе́, Человеколю́бче.

Стра́сти душетлennыя успи́л еси́ бодренными бдéнии, блаже́нне, / и сих ра́ди в черто́г Небесный всели́лся еси́, / приём, богому́дре Сёргие, благодáть исцелéний.

Богорóдичен: *Херувимов и Серафимов превы́шши явила́ся еси́, Богорóдице: / Ты бо еди́на прия́ла еси́ невместима́го Бóга во чре́ве Твое́м, Несквёрная. / Те́мже Тя, вси верни́и, пёсньми, Чистая, ублажа́ем.*

Ин

Ирмос: *Еди́не ве́дый человéческа́го существа́ нéмоць / и мило́стивно в не вообра́жься, / препоя́ши мя с вы́соты́ силою, / е́же вопи́ти Тебе́, Святы́й: // одушевлéнный хра́ме неизречéнныя сла́вы Твоея́, Человеколю́бче.*

Тлѣнную славу презрѣв, блаженне, / нетлѣнная и Божественныя славы наследник быти сподобился еси, / всю бо поправ жития красоту, / со Ангелы в Вышних Божественныя славы наслаждаешься.

Ралом молитвенным, преподобне, землю сердца твоего обновив / и сию насев семенем трудов твоих, / и явился еси прекрасная Слова пшеница, / и достигл еси незаходимаго Света селение.

Духа Святаго сияньми почтен, и светносным житием украсился еси, / требующим подавая неоскудно / и приемля с любовью монашествующих чины, отче преподобне.

Богородичен: Из Тебе прозябе, Чистая, Цвет неувядаемый, / облаговонствуя все человечество Божественным миром естества Своего, / Иже и Отцу Собезначальный, из Тебе бысть под летом, Дево Всенепорочная.

Ин кондак, глас 8:

Яко безплотным равножителю, / всех преподобных превозшел еси / постническими труды и бдению молитвенными, мудре Сергие, / тем восприял еси от Бога исцелити недуги и прогнати бесы, / и того ради вопием ти: // радуйся, отче преподобне Сергие.

Седален, глас 4.

Подобен: Вознесиися на Крест:

Яко войстину тлѣнных оставив нестойнное, / Христу от души последовал еси / и болезнями, и труды, и зельным воздержанием, / яко безплотен пожив, преблаженне Сергие, / моли Христа Бога спастися душам нашим.

Слава, и ныне, Богородичен:

Херувимов и Серафимов превышши еси, Богородице, / Небесе же и земли пространнейши, / видимыя твари и невидимыя явилася еси преимущи / несосудным сосуждением: / Егоже бо пространства Небеса не вмещают, / в Твоей утробеместила еси, Чистая, / Егоже моли спастися рабом Твоим.

Песнь 4

Ирмос: Христос моя сила, / Бог и Господь, / честная Церковь / боголепно поет, зываючи, // от смысла чиста о Господе празднующи.

Поём, Пречистая, Тя, Всенепорочную, иже Тобю спасшиися, / и, благочестно поюще, взываем: / благословенна, Яже Бога, Приснодево, рождающая.

Свет незаходимый, Дево, родила еси, / сущим во тьме жития Плотию светящ, Всеблаженная, / и поющим Тя радость, Приснодево, источила еси.

Благодать процветет, Закон преста Тобю, Всесвятая: / Ты бо, Чистая, родила еси Господа, / подающего нам, Приснодево, оставление.

Мертва мя покажет сада вкушение, / Жизни же Древо, из Тебе явльшееся, Пречистая, воскреси / и райския сладости наследника мя устрои.

Ин

Ирмос: Ты моя крепость, Господи, / Ты моя и сила, / Ты мой Бог, Ты мое радование, / не оставль недра Отца / и нашу нищету посетив. / Тем с пророком Аввакумом зову Ти: // силе Твоей слава, Человеколюбче.

Духа Пресвятаго храм, отче, был еси и жизненных вод река исполняема, / основание непоколебимо Церкви, монашествующих утверждение, / Сергие досточудне.

Пророчески слезными каплями на всяк день постелю омочая, Сергие славне, / дондеже до конца страстей пучину иссушил еси; / темже память твою почитаем, присночестную и священную.

Лице Христово лицом, преподобне Сергие, зрети сподобился еси, / зеркалом воистину разрешшимся. / Сие бо и от мира отлучи ты к возлюбленному желанию.

Богородичен: Очищение наших даруй неведения, яко безгрешен, / и умири мир Твой, Боже, молитвами Родшия Тя.

Ин

Ирмос: Гору Тя, благодатию Божиею приосененную, / прозорливьма Аввакум усмотрив очима, / из Тебе изыти Израилеву провозглашаше Святому // во спасение наше и обновление.

Просвещаемь светолучными зарями, преблаженне, / наслаждение Небесное приял еси, радуясь, / яко воистину чистейший хлеб Творцу был еси, мудре Сергие, Емуже взывая: / силе Твоей слава, Человеколюбче.

Страсти душетленные прешед и во глубину безмолвия вшед, / прежде отрешения телеснаго союза умершее

отроча возставил еси/ и паче надежди родителю его радость сотворил еси./ Тем, удивився, Творцу вопиял еси:/ силе Твоей слава, Человеколюбче.

Душевный разум вперив, славне, и чувства окормив, мудре,/ святину благочестия сущим на земли возвестил еси к Небесному шествию.

Богородичен: Радость Тебе, Чистая, яви, с Небес пришед, Архистратиг, благовести, рек:/ Бог изыдет Плотию из Тебе, Дево Пречистая, во спасение любовью поющих Тя:/ слава силе Твоей, человеком Помощнице.

Песнь 5

Ирмос: Божиим светом Твоим, Блаже,/ утренюющих Ти души любовью озари, молюся,/ Тя ведети, Слове Божий,/ Истинного Бога, // от мрака греховнаго взывающа.

Чистотою возсиявши светло,/ Божественное пребывание Владыки, Всепетая, была еси:/ Ты бо едина Мати Божия явилася еси,/ во объятиих, яко Младенца, Сего носивши.

Носящи доброту умную краснейшия Твоея души,/ Невеста Божия была еси,/ запечатствована девством, Чистая,/ и светом чистоты мир просвещаящи.

Да рыдает собрание злочестивых,/ не проповедающих Тя яже Чистую Богоматерь,/ Ты бо врата Божественнаго Света явилася еси нам,/ мрак прегрешений разгоняючи.

Ин

Ирмос: Вскую мя отринул еси/ от лица Твоего, Свете незаходимый,/ и покрыла мя есть чуждая тьма, окаяннаго?/ Но обрати мя и к свету заповедей Твоих // пути моя направи, молюся.

В пощениих непреклонен пребыл еси, мудре,/ и до отшествия своего храня сие опасно,/ имже сподобился еси яже нетленного блаженства.

Остр ум имея к Богу внимати, страсти душеленныя успил еси, отче,/ и снопы благоплодия пожал еси,/ питая благочестно восхваляющия тя, преподобне отче Сергие.

Светло житие твое, преподобне Сергие, и известно всем концем явися,/ и божественныя доброты исполнено,/ молитвами же, и пощеньми, и любовью, яже ко Христу Человеколюбцу.

Богорóдичен: Тя стéну имúще и заступлénием Твоим соблюдаéми,/ Твоеó божéственною слáвою хвáлящися, Тя ублажа́ем./ Ты бо, Пречíстая, душáм нашим источáеши весéлие и рáдование.

Ин

Ирмóс: Бог сый мíра, Отец щедрóт,/ Вели́каго Совéта Твоегó Ангела,/ мир подава́юща, послáл еси́ нам;/ тем богоразúмия к свéту наста́вльшися,/ от но́щи úтренююще, // славослóвим Тя, Человеколúбче.

Обветшáвшего челове́ка я́ве, óтче, совлéклся еси́/ и, я́ко сквэрну рíзу, отвéрг с грехóвными страстьми,/ в но́ваго облéклся еси́, éже по подóбию о Христé, всечéстне.

Стра́стныя úзы растóрг высóким твоим равноáнгельным жити́ем/ и свýше при́им чудодéйствия даровáние,/ согрешéний нáших очищéние, Сэ́ргие, испроси́.

Богорóдичен: Кля́тву Ёвы, всех прамáтере, Твоим рождеством, Дéво, упразднiла еси́,/ мiру благослoвэние возсия́вши Христá./ Тэмже Тя, рáдующися, язýком и сэрдцем Богорóдицу ýстинно исповéдающе, велича́ем.

Песнь 6

Ирмóс: Житéйское мóре/ воздвига́емое зря напáстей бурею,/ к тiхому пристáнищу Твоемú притéк, вопию́ Ти:/ возведи́ от тли живóт мой, // Многомýлостиве.

Вели́кий преднаписа́ во прорóцах Моисéй Тя ковчэг,/ и трапéзу, и свéщник, и стáмну, образно назна́менуя/ воплощéние, éже из Тебé, Высочáйшаго, Мáти Дéво.

Умерщвля́ется смерть, упраздня́ется и тлéние Ада́мова осуждéния,/ Плодú Твоемú, о Влады́чице, прира́зившееся:/ Жизнь бо родила́ еси́, от тли избавля́ющую пою́щия Тя.

Закóн изнемо́же, и прéйде сень,/ пáче бо умá и помысла я́вившейся мне благодáти, я́же из Тебé, Дéво,/ Рождеством Бóга и Спáса, Многопéтая.

Ин

Ирмóс: Очи́сти мя, Спáсе,/ мно́га бо беззакóния моя́,/ и из глубины́ зол возведи́, молю́ся,/ к Тебé бо возопiх, и услы́ши мя, // Бóже спасéния моего́.

Па́мьятъ твою́ творя́щим свяще́нную, о́тче, / не преста́й, моля́ Изба́вителя дарова́ти согреше́ний оставле́ние / и Небе́сное Ца́рство восприя́ти, иде́же глас пра́зднующих весели́т вся.

О Христе́ укрепля́емь, / вся кова́рствія лука́ваго твёрдым умо́м, Серге́е, / я́коже сеть, расто́ргнул еси́ / и пресвѣтло свети́ло ми́ру, о́тче, показа́лся еси́.

Свѣтом Божѣственнымъ осия́емь / и со А́нгелы ны́не на Небесе́х водворя́ясь, / помина́й ве́рою чту́щих па́мьятъ твою́, / преподо́бне Серге́е приснопа́мятне.

Богоро́дичен: Возвы́сила еси́ вои́стину па́дшее челове́ческое существо́, / и́же о́бразом Божѣственнымъ и Отца́ ра́венством, / ви́димымъ Сы́ном неизме́нным, Богома́ти, / без се́мене во чре́ве поноси́вши.

Ин

Ирмо́с: Из утробы́ Ио́ну младе́нца изблева́ морской зверь, / якова́ прия́т; / в Де́ву же все́льшееся Сло́во / и Плоть прие́мшее про́йде, сохра́ншее нетле́нну: / Егбо́же бо не постра́да ислѣ́ния, // Ро́ждшую сохра́ни невре́ждѣнну.

Нас свѣ́ше, ста́до твоѣ, оза́ряеши ми́лостивно, о́тче, / вои́нству благоче́стивому побѣ́ду пода́я моли́твами твои́ми, возвы́шая ро́г правосла́вных, / от нас же прии́ми, а́ще и ма́лое, приноси́мое тебѣ́ моле́ние.

На недúзех разли́чных исцелѣ́ния благода́ть тебѣ́ дарова́ся / и на дýсех нечи́стых от Христа́ власть, му́дре, / я́ко божѣственный до́блественник, вене́ц прия́л еси́ побѣ́ды от всех Ца́рствующаго.

Богоро́дичен: Весь лик проро́ческий, от Бо́га научѣ́н, Твоѣ́ провозгласи́ таи́нство / несказа́ннаго Божѣственнаго зача́тия е́же из Тебѣ́ Сло́ва, Ма́ти Де́во: / Ты бо Исти́нный нача́льный Свет родила́ еси́.

Конда́к, глас 8.

Подобен: Взбра́нной Воево́де:

Христово́ю любо́вию уязви́вся, преподо́бне, / и Тому́ невозвратнымъ жела́нием послѣ́довав, / всякое наслажде́ние плотско́е возненави́дел еси́ / и, я́ко со́лнце, Оте́честву тво́ему возсия́л еси́; / тем и Христо́с даром чудесъ обогати́ тя. / Помина́й нас, чту́щих пресвѣтлую па́мьятъ твою́, да зове́м ти: // ра́дуйся, Серге́е богому́дре.

Икос:

Евѣнгельскій глас, ѡтче, услышав,/ вся оставил еси
плотская мудрѡванія,/ богатство же и славу, яко
прах, вменив,/ и на страсти, яко безплѡтен, подви-
зѡвся,/ и безплѡтных ликостоянием чести сподѡбился
еси./ Рѡзума дарованіе приѡл еси,/ еже и подѡждь
в пѣснях поющим ти сице:/ радуйся, Сѣргіе препо-
дѡбне и богонѡсе, Небѣсный человѣче, земный Ангеле;/
радуйся, Дѡха Святаго обитель;/ радуйся, молитвами
богоданен дар приѡмый;/ радуйся, яко прѣжде рожде-
нія проглашеніем прославив Святую Трѡицу, Яже ты
прослави в жизни сей и по смѣрти;/ радуйся, целомѡд-
рия стѡлпе, ѡмже всяка страсть попрѡся;/ радуйся, яко
от младых ногтѣй послѣдствовал еси Христу;/ радуйся,
притекающим к тебе спасенія ходатай;/ радуйся, све-
тѣльниче многосвѣтлый, возведый ко Христу мона-
хов множества;/ радуйся, похвалѡ Отѣчеству твоѡму;/
радуйся, прорѡчеством украшенный, во еже прорицати,
яко настоящая, бѡдущая;/ радуйся, яко молитвами
твоѡми сопротивнии побеждаются;/ радуйся, право-
славному вѡинству нашему похвалѡ и утверждѣніе,/
егоже соблюди молитвами твоѡми от враг ненавѣтно,
да зовѣм ти:/ радуйся, Сѣргіе богомѡдре.

Песнь 7

Ирмос: *Росодательну ѡбо пещь/ содела Ангел/ пре-
подобным отроком,/ халден же опаляющее/ велѣніе
Бѡжие мучителя увещѡ вопіти:// благословѣн еси, Бѡже
отѣц наших.*

Юнош триѣх пещь не опали, рождество прообразу-
ющих Твое,/ Божѣственный бо огонь, Тебѣ не опалив,
вселіся в Тя/ и вся научи вопіти: благословѣн еси,
Бѡже отѣц наших.

Блажат Тебѣ концы, Всенепорѡчная Мѡти, яко про-
рекла еси,/ просвещѡеми светолѡчными сияніи Твоѡми/
и благодѡтию, поющии, вопіют: благословѣн еси, Бѡже
отѣц наших.

Пѡгубныя ѡбо зѡбы в мя вонзѣ змий лукавнейший,/
но тыя Твой, Богомѡти, Сын сокруши,/ крепость же мне
даде вопіти: благословѣн еси, Бѡже отѣц наших.

Очистѣлище естества Ты еси, Едина Богоблажен-
ная:/ на рѡмех бо херувѣмских седѡщаго Бѡга во

объятиих носивши, вопиеша: / благословен еси, Боже отец наших.

Ии

Ирмос: *Божия снизхождения / огонь устыдеса в Вавилоне иногда, / сего ради отроцы в пещи, радованною ногою, / яко во цветнице, ликующе, пояху: // благословен еси, Боже отец наших.*

В пещи искушений разжжения / Божественная благодать ороси ты, преподобне, / и многосвѣтла Троическим желанием показа, зовуща: / благословен Бог отец наших.

Мир преобидев, славне Сергие, / на земли, яко безплотен, пожил еси / и ангельским ликостоянием сподобился еси. / Тем ты верою почитаем, досточудне.

В пристанище тихое вшед, богомудре, / житейских плаваний отбегл еси / и волнующимся житейскими спасительное окормление был еси, воспевающим: / благословен Бог отец наших.

Богородичен: *Жезл прорасте, Дево, из корене Иесеева, / всеблаженный Плод, Цвет носящи спасительный / верою Сыну Твоему вопиющим: / отцев наших Боже, благословен еси.*

Ии

Ирмос: *Тебе умную, Богородице, пещь / рассмотрим, вернии, / якоже бо отроки спасе три Превозносимый, / мир обновй во чреве Твоем всецел, // хвальный отцев Бог и препрославлен.*

Другое Небо на земли / божественным мановением, преблаженне, показался еси, / воспитал еси словесное стадо, / яко Ангел живый с плотию, богомудре.

Имуща ты к Богу, чада твоя, крепка молитвенника, блаженне, / и утешителя печальных, поборника же, и предстателя, и ходатая благочестия, / от всяких бед спасаемся, преподобне Сергие.

Богородичен: *Радуйся, чистая Адамова Дщи, / из Тебе бо произыде Пастырь, облекся истинно во всего мя, человека, / превозносимый за милосердие непостижное отцев Бог благословенный.*

Песнь 8

Ирмос: *Из пламене преподобным росу источил еси / и праведнаго жертву водою попалил еси: / вся бо*

твориши, Христэ, токмо еже хотети.// Тя превозносим во вся веки.

Позлащённою ризою, якоже Царицу,/ Сын Твой, просветив зарею Духа,/ Тебе одесную Себе постави, Всечистая,/ Егоче превозносим во вся веки.

Иже хотением единым мир водрузивый/ из пречистой утробы Твоея Плоть заёмлет,/ свѣше тую наздати хотя,/ Егоче превозносим во вся веки.

Сочетанием Слова ко мне, человеку,/ Божественное жилище была еси, Пречистая,/ просиявши яве дѣвства свѣтлостию./ Тем Тя поём во вся веки.

Златозарный Ты свѣщик предвообрази,/ приёмшую несказанно Свет неприступный,/ знанием Своим озаряющ всяческая./ Тем Тя поём, Чистая, во вся веки.

Ин

Ирмос: Седмерицею пещь/ халдѣйский мучитель/ богочестивым неистовно разжже,/ силою же лучшею спасены сия видеи,/ Творцу и Избавителю вопияше:/ отроцы, благословите,/ священницы, воспойте,// людие, превозносите во вся веки.

Светоносный твой праздник, преблаженне Сергие,/ исполни радости и веселия духовнаго, благоухания же и просвещения/ ты имущим заступника и правило монашествующим.

Молитвою непрестанною к Богу востекл еси/ и отгуду Трисолнечными сиянии озарился еси,/ на враги борения поставив, приводя постников соборы новым житием, Христу вопиющим:/ дѣти, благословите, священницы, воспойте, людие, превозносите Его во веки.

В пощениих крепкое, в молитвах неленостное/ терпение в искушениях, Сергие, на земли показал еси, зовый:/ дѣти, благословите, священницы, воспойте, людие, превозносите Его во веки.

Богородичен: Богородительнице Чистая, души моя язвы греховныя и соблазны очисти,/ ко источником примешаючи, яже из ребр Рождества Твоего, иже от них потекшим струям;/ к Тебе бо взываю, и к Тебе прибегаю, и Ты призываю, Богоблагодатную.

Ин

Ирмос: Чуда преестествонаго/ росодательная изобрази пещь образ:/ не бо, яже прият, палит ювныя,/ яко ниже

огнь Божества Девы, / в Нюже вниде утробу. / Тем, воспевающе, воспоем: / да благословит тварь вся Господа // и превозносит во вся веки.

Прилѣжно поюще молим тя: / молися, преподобне, победы даровати на враги воинству нашему, / и Церкви благолепие, и миру мир.

Духа Святаго благодать в тя вселися, / лукавых духов прогонителя содела, / монашествующих же наставника показа, зовущих: / благословите, вся тварь, Господа и превозносите Его во веки.

Трисолнечным светом издалеча сияя, / твоим певцем свет даруй и спасение и миру мир, / в твоёй памяти, преподобне отче, зовущим: / да благословит вся тварь Господа и превозносит Его во веки.

Богородичен: *Иже ангельскими песнями Прославляемый, / богатное Слово нас ради обнища, / Тя Матерь, доброту Иаковлю, Благословенная, избрав. / Темже, воспевающе, поем: / да благословит тварь вся Господа и превозносит Его во веки.*

Песнь 9

Ирмос: *Бога / человеком невозможно видети, / на Негоже не смеют чини ангельстии взирати; / Тобою бо, Всечистая, явися человеком / Слово воплощенно, / Егоже величающе, // с Небесными вои Тя ублажаем.*

Звезда, сияющи зарями Божества от Иакова, / от мрака содержимым возсия Тобою, Всечистая, / Христос Бог, Слово воплощенно, / Имже просвещаем, с Небесными вои Тя ублажаем.

Укрепився силою Твоею и благодатию, / Тебе песнь усердно от сердца возложих; / но сию прими, Дево Чистая, / благодать воздающи Твою многосветлую / от нетленных сокровищ, Богоблаженная.

Постав показала еси яве Божества, / в немже ризу телесе Слово истка, / богосоделав, Дево, мой зрак; / в негоже облекся, вся спасе от смысла чиста Тя величающия.

Богородичен: *Мертвым воскресение ныне даровася Твоим несказанным и неизреченным Рождеством, / Богородице Всечистая: / Жизнь бо, из Тебе Плотию обложився, всем возсия / и смертную дряхлость яве разруши.*

Иѡ

Ирмос: Ужасеся о сем Небо, / и земли удивишася концы, / яко Бог явися человеком плотики / и чрево Твое бысть пространнейшее Небес. / Тем Тя, Богородицу, // Ангелов и человек чиновачалия величают.

Светоявления духовнаго исполнен быв, преподобне Сергие, / светильник, сияя издалеча, явился еси, / словесныя зары нам облистая, / и Пребожественныя Троицы жилище показался еси.

Воистину ты велика учителя, мудре Сергие, Российским странам Христос дарова, / неложным правлением правяща отечество свое / и учения сладчайша меда изливающая, / ихже, яко от окрина, и мы, вернии, почерпаем независто.

Душетленные страсти победив, / яко пастырь истинный, упасл еси словесное Христово стадо, / еже выну благодатию Духа, яко цветы райския, питая, преподобне.

Богородичен: Псалмы Тя воспеваем, Обрадованная, / и немолчно Ти, еже радуйся, вопием: / Ты бо источила еси всем радование.

Иѡ

Ирмос: Образ чистаго Рождества Твоего / огнепальная купина показа неопальная, / и ныне на нас напастей свирепеющую угасити, молимся, пещь, / да Тя, Богородице, // непрестанно величаем.

Любовию Христовою, мудре, просвещаемь и добродетельми облистаемь, / не осквернил еси души твоеей доброту, / ко отцем преставился еси в добрей старости / и Богу со Ангелы, Сергие, предстоиши.

Очисти наша согрешения, Слове, и просвети очи сердечныя, / еже чисто зрети Твою светлость Божественнаго светолития, / молитвами твоего угодника Сергия, / да Тя вси величаем.

Богородичен: О, страннаго Твоего чудесе! / Ты бо, Дево Богородице, / таинство, прежде веков и родов сокровенное в Бозе, вся создавшем, / рождши Бога Слова несказанно, явилася еси.

Светилен:

Процвел еси, яко финикс, Давидски, отче, / и обитель явился еси Духа Всесвятаго, / Иже славна ты вселенней

показа́,/ о нас непреста́нно Христа́ моли́,/ почита́ющих ве́рою пречестну́ю па́мь твою́,/ преподо́бне Серге́е.

Сла́ва, и ны́не, Богородичен:

Тя пе́сньми немол́чными ублажа́ем, Де́во,/ я́ко от Трои́цы Еди́наго родила́ еси́, Богороди́це,/ и но́сиши на божество́нных объ́ятиих/ Пребога́тое Сло́во, Невра́щное и Неизме́нное.

На хвали́тех стихи́ры на 4, глас 4.

Подобен: Зва́нный свы́ше:

Егда́ Божество́нное зва́ние/ найде на тя, пребога́те,/ тогда́ все плотско́е мудрова́ние/ ду́ху повину́л еси́,/ поще́ния страда́ньми утверди́вся,/ и, я́ко зла́то, в горни́ле искуше́но, сия́я, яви́лся еси́./ При́ятелище был еси́ Ду́ха Пресвята́го,/ собра́в мона́шествующих мно́жества/ и уче́нии твоими́, я́ко некое́ю небовосхо́дною ле́ствицею,/ на высоту́ добродете́лей возводя́./ Помина́й нас, Серге́е, чту́щих па́мь твою́, // спасти́ и просвети́ти ду́ши на́ша.

Возсия́ днесь пресве́тлая/ и всепра́зднственная па́мь тво́я, пресла́вне Серге́е,/ созыва́ющи мно́гочисленное по́стников сосло́вие/ и преподо́бных ликосто́яния,/ в нейже́ А́нгели сла́вят/ в Трои́це покланя́емаго Бо́га на́шего,/ челове́цы же, притека́ющи/ к свяще́нной ра́це моще́й твои́х,/ исцеле́ния да́ры прие́млют;/ и ты венча́вшего/ Христа́ прославля́ем, // Спа́са душ на́ших.

Богоно́се и преблаже́нне/ о́тче Серге́е,/ ты проро́чески/ постелю́ слеза́ми измыва́л еси́,/ не дал еси́ сна твои́м очесе́м,/ ни ве́ждом дрема́ния,/ серде́чное жела́ние е́же ко Христу́ явля́я,/ Его́же измла́да возлюбив,/ вся́кия добродете́ли вид испра́вил еси́./ Те́мже ты ублажа́ем,/ Христа́ велича́юще, // ты просла́вльшаго.

Сла́ва, глас 2:

Преподо́бне о́тче,/ измла́да воздержа́нию прилежа́в, постився,/ о́рган был еси́ Свята́го Ду́ха./ Тем и чуде́с дарова́ния прие́м,/ челове́ки научи́л еси́ преобидети́ малове́ременная./ Ны́не же неизрече́нным све́том све́тле сия́еши,/ просвети́ на́ша мы́сли хода́тайством твои́м, // му́дре Серге́е.

И ныне, Богородичен, глас тойже:

**Все упование мое на Тя возлагаю, / Мати Божия, //
сохрани мя под кровом Твоим.**

Славословие великое. Ектений и отпуст.

НА ЛИТУРГИИ

Блаженны, первого канона святого, песнь 3-я, и второго, песнь 6-я. Прокимен, глас 7: Честна пред Господем // смерть преподобных Его: Стих: Что воздам Господеву о всех, яже воздаде ми? Апостол к Галатам, зачало 213. Аллилуия, глас 6: Блажен муж, бойся Господа, в заповедех Его восхощет зело. Стих: Сильно на земли будет семя его. Евангелие от Луки, зачало 24. Причастен: В память вечную будет праведник, от слуха зла не убоится.


Молитвы зри 5 июля.

Преподобный Сергей Радонежский († 1392) — великий чудотворец, игумен земли Русской, родился 3 мая 1314 года близ Ростова и был в крещении наречен Варфоломеем (в честь апостола от 12-ти). Около 1329 года он вместе со своими родителями, преподобными Кириллом и Марией, переселился в Радонеж. После их кончины избрал пустынное место в 10 верстах от новой родины, на Маковце, и начал там подвизаться, сначала со своим старшим братом Стефаном, а затем один.

Вокруг преподобного собралось несколько братьев, с которыми по благословению святого митрополита Феогноста он построил деревянную церковь во имя Пресвятой Троицы. 7 октября 1337 года он был пострижен в монашество игуменом Митрофаном, подвизавшимся неподалеку, в пределах ярославских. В 1354 году преподобный был посвящен в сан пресвитера в г. Переславле епископом Волынским Афанасием.

Слава об обители преподобного Сергея стала быстро распространяться не только в России, но и за ее пределы. Константинопольский патриарх Филофей прислал преподобному благословенную грамоту, а также крест, параман и схиму в благословение на новые подвиги.

Преподобный Сергей много трудов положил на основание многих монастырей, ставших значительными



культурными центрами в последующей истории. Много потрудился преподобный, созидавая мир в Русской земле. Так, пользуясь большим влиянием на князя Дмитрия Донского, он благословил его на брань против полчищ Мамаея и своими молитвами помог ему одержать победу 8 сентября 1380 года на Куликовом поле.

За свою высокую подвижническую жизнь преподобный Сергий удостоился посещения Богоматери с апостолами Петром и Иоанном Богословом — в своей келлии во время молитвы.

25 сентября 1392 года преподобный Сергий преставился к Богу. Созерца

будущую славу многих своих учеников, он оставил наставление, исполненное духом глубокого благодатного смирения: «Братие, прежде имейте страх Божий, чистоту душевную и любовь нелицемерную», — оставшееся как завет для всех поколений русских верующих людей.

В
ТОЙЖЕ
ДЕНЬ



Преподобная матере наша Евфросинии Александрийския

ВЕЧЕР

На Господи, воззвах: стихиры октоиха, 3.

И святыя, 3. Глас 5.

Подобен: Преподобне отче:

Мати преподобная, / Евфросиние досточудная, / сущо веселия возжелевши, / того ходатайствующую шествовала еси стезю: / богатство бо изменила еси нищетю многою, / плотскаго обручника Живущим во веки, / пищу тлеющую воздержанием, / покой болезнями, сущими в страдальчестве, / сущую в мире премирною жизнию, / юже и получила еси с мудрыми девами, / соблюдши свещу твою неугасну / и чертогу сподобившись, яко дева, // яко невеста Христова всехвальная.

Струями слез напоивши твой разум, / угобзила еси пощением добродетельных плодов / и, лоза якоже краснейшая, / произнесла еси грозды красныя, честная, / ихже божественнаго мста* яве насыщше чувства душевная, / наслаждаемся истинно твоим подобием / и веселимся божественным веселием, / пьянство отрезающе, еже от греха, / вопиюще ти, всечестная: / Христа моли всегда / даровати вселенней единомыслие, // мир и велию милость.

Видение странное / и естеству неудобоприятное, / како утайлася еси / Еввина старого запинателя лютаго коварства, / среди мужей всельшися совершенным разумом? / Како посреде огня прошла еси, не опальшися? / Како сокрыла еси женскую немощь, / укрепляема

* Мста — молодого вина.